


丹溪朱氏脉因证治



北京志倘科技有限公司

元·朱丹溪撰

清·汤望久校辑

丹溪朱氏脉因证治

清乾隆四十年乙未合志堂刻本

余自歸里後杜門不與世事接
先太宜人病痰飲延禁肩壽治
歷四年弗痊而眉壽謂為痼疾
難效因徧覽方書頗會其旨揀
方以治不一年而瘳後遂旁搜
博採窮幽極渺而於長沙河間
東垣子和丹溪諸書尤三致意

焉竊嘗謂醫之有長沙疇中之
聖也而四家並峙猶清任和之
各成其聖偏焉而至者也學不
從此叅究猶航斷港絕潢以望
至於海也其能之乎但四家自
河間東垣而外子和文多缺畧
未為全書丹谿著作類出門人

記載惟聞脉因證治一書簡而
談約而盡學者循是而窺長沙
如得其舩與楫沿而不止固自
不可量也而流傳絕少歷三十
年未獲一覲心常快、歲乙未
客有持來示余欲廣諸同好亟
請付梓不禁欣感交集以為一

綫靈光忽然湧現真為桑榆之
幸因不辭而為之序以弁其首

時

乾隆乙未仲夏吳超繆遵義書
於芝田山房



小引

嘗讀丹溪朱震亨諸集如痰証卒中陰虛發熱等門竊嘆其入理懸河之論恍懔後世之功不勝縷述至脉因証治二卷尤先生之卓見益醫者之於脉猶聽訟之於情訟得其情則刑不妄措醫得其脉則方不混施凡因之內外証之虛實治之緩急何獨非

三指得之昌黎公所謂善醫者不視人之肥瘠唯察其脉之病否而已故必先求諸脉而因而証而治四者井然詎容廢一第脉理玄通在乎神取舌難掉其形似學者譬入蜀之鳥道羊腸往往望而裹足幾共視為天下之畏途遂致六部茫然適燕南指不遏虛應故事以異治之倖獲噫生民

不幸莫此為甚先生蚤鑑于此而砥
注透波特以脉字領頭治字煞尾喚
醒後之業是道者必當于指下猛透
一針庶不致心聾而受天人之交謫
推是書也直與日月俱明鬼神爭奧
誠片箋片玉足為萬世之法程而一
日不可離一字不可搖者也向非先
生能具隻眼至若是哉脫起張劉李

于當時諒必如晦翁云吾且當避此
老三舍耳予家什襲已久先君子願
公梨棗顧有志未逮不肖望續成之
自梓以還將見岐伯重興而先生且
不死矣未必非吾

聖天子化日光天之一助云

乾隆四十年歲次乙未孟秋日語溪
後學湯望久來蘓氏謹識

丹溪朱氏脉因證治目

後學湯望久來蘇氏校輯

上卷

一卒尸

二痺

三瘰

四痿

五厥

六傷寒

七大頭腫痛

附蝦蟇瘟

八霍亂

九瘟病

十傷暑

十一瘧

十二疸

十三勞

勞極熱勞瘵

十四熱

十五吐衄下血

十六下痢

十七泄

十八自汗頭汗

十九淋

附小便不禁腎臟風

二十頭目痛

附腦痛眉骨痛

二十一眩運

二十二心腹痛

二十三腰痛

附腰疼腫痛腰軟

二十四肩背痛

附腰脾痛

二十五脇痛

附身體痛

二十六逆痰嗽

二十七喘

附哮

脉因証治目終

丹溪朱氏脈因證治卷五

脈因證治卷五

脈因證治卷五

一卒尸

脈因證治卷五



脈寸口沉大而滑沉則爲實滑則爲氣實氣相搏厥
氣入臟則死入腑則愈唇青身冷爲入臟死身和
汗自出爲入腑則愈 緊而急者爲遁尸 少陰
不至腎氣衰少精血爲尸厥 趺陽脈不出脾不
上下身冷硬 呼之不應脈絕者死 脈當大反
小者死

証治在外者可治入裏者死 血氣并走於上則爲
厥暴死素有痼疾新加卒病先治卒病 尸厥者

昏不知人脈動如故開上焦心肺之陽自愈

尸厥脈動無氣氣閉靜而死也以

菖蒲屑內鼻兩孔中吹之令人以桂屑放舌下
又方 剔取左角髮方寸燒末酒和灌入喉立
起

救卒死身熱者驗方

礬石半斤以水 斗五升煮消浸脚令沒踝蓋
取礬性收澇而斂其厥逆之氣

還魂湯 治卒死客忤死

麻黃

三兩
去節

杏仁

八十箇
去皮尖

炙甘草

一兩

右三味水八升煮取三升去粗入薑汁少許令咽之蓋取辛甘通陽氣發越邪氣故也

救卒死目閉方

搗薤汁灌耳中妙或吹皂莢末於鼻中立效薤汁辟邪安魂莢末取嚏開竅

救卒死張口反折方

灸手足兩爪後一十四壯飲以五毒諸膏散

外有中惡中氣中食等狀與卒尸相類須詳諦脈証而投之慎勿泛視誤人倉卒變通在神法難畢述